

Broj: 01-40-8-165-1/2025
Sarajevo, 01.08.2025. godine

KANTONALNE UPRAVE CIVILNE ZAŠTITE – SVIMA
OPĆINSKE /GRADSKE SLUŽBE CIVILNE ZAŠTITE – SVIMA

PREDMET: Poziv za dostavljanje prijava za dodjelu finansijske podrške
kantonima, gradovima/općinama, dostavlja,-

U prilogu ovog akta dostavlja se Poziv za dostavljanje prijava za dodjelu finansijske podrške kantonima, gradovima/općinama za opremanje i obuku službi zaštite i spašavanja i jedinica civilne zaštite, opremanje operativnih centara i udruživanje sredstava posebne naknade sa kantonima, gradovima/općinama u zajedničkim projektima razvoja sistema zaštite i spašavanja te istraživačkih i razvojnih projekata od značaja za organizaciju i provođenje zaštite i spašavanja od prirodnih i drugih nesreća.

Poziv ostaje otvoren 30 dana od dana objavljivanja na službenoj stranici Federalne uprave civilne zaštite.

Dostavljeno:

- Naslovu (putem emaila FOCCZ)
- a/a

PRIVREMENO POSTAVLJENI
DIREKTOR

Aldin Brašnjic



U skladu sa odredbom člana 182. stav (1) tačka 6) Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) te tačke XII Odluke o uvjetima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, br. 4/12, 80/13 i 20/20) Federalna uprava civilne zaštite objavljuje:

POZIV
za dostavljanje prijava za dodjelu finansijske podrške kantonima i gradovima/
općinama

I - Predmet javnog poziva i korisnici sredstava

Predmet javnog poziva je dodjela finansijskih sredstava za opremanje i obuku službi zaštite i spašavanja i jedinica civilne zaštite, opremanje operativnih centara i udruživanje sredstava posebne naknade sa kantonima, gradovima/općinama u zajedničkim projektima razvoja sistema zaštite i spašavanja te istraživačkih i razvojnih projekata od značaja za organizaciju i provođenje zaštite i spašavanja od prirodnih i drugih nesreća.

Na javni poziv se mogu prijaviti kantoni, gradovi/općine sa područja Federacije Bosne i Hercegovine.

Federalna uprava civilne zaštite (u daljem tekstu: Federalna uprava) učestvuje u sufinansiranju opremanja kantonalnih, gradskih/općinskih struktura civilne zaštite u sljedećim iznosima:

- maksimalno do 30% vrijednosti konkretnog projekta ili aktivnosti za kantone, čiji prihodi ostvareni po osnovu posebne naknade za zaštitu od prirodnih i drugih nesreća iznose do 30% od ukupno prikupljenih sredstava posebne naknade koja pripadaju kantonima na području Federacije BiH iz 2024.godine,
- maksimalno do 50% vrijednosti konkretnog projekta ili aktivnosti za gradove i općine, čiji prihodi ostvareni po osnovu posebne naknade za zaštitu od prirodnih i drugih nesreća iznose do 30% od ukupno prikupljenih sredstava posebne naknade koja pripadaju gradovima i općinama na području Federacije BiH iz 2024.godine.

II - Uslovi za dodjelu sredstava

Pri dodjeli finansijske podrške kantonima, gradovima i općinama, primjenjuju se sljedeći kriteriji:

- 1) da je formirana kantonalna uprava civilne zaštite, odnosno služba civilne zaštite grada/općine,
- 2) da je formiran kantonalni štab civilne zaštite, odnosno gradski/općinski štab civilne zaštite,
- 3) da kanton odnosno općina/grad imaju organizovane snage/strukture civilne zaštite,
- 4) da je donesena Procjena ugroženosti kantona odnosno grada/općine,

- 5) da je donesen Plan zaštite i spašavanja od prirodnih i drugih nesreća kantona odnosno grada/općine,
- 6) da je donesen Program razvoja zaštite i spašavanja od prirodnih i drugih nesreća kantona odnosno grada/općine,
- 7) da je prijava adekvatno obrazložena i dokumentovana,
- 8) da je priliv sredstava posebne naknade za zaštitu i spašavanje u kantonu, gradu/općini manji od 30% od prosjeka ukupno ostvarenog priliva u Federaciji iz 2024.godine,
- 9) da se sredstva posebne naknade vode na posebnom namjenskom transakcijskom računu.

III - Potrebna dokumentacija

Prijavu na javni poziv podnosi premijer/gradonačelnik/općinski načelnik na obrascima PN-1 i PN-2, te se uz istu prilaže slijedeće dokumentacija:

- a) za tačku 1) fotokopiju Izvoda Pravilnika o unutrašnjoj organizaciji kantona, grada/općine, odluka o osnivanju službe ili drugi dokaz;
- b) za tačku 2) akt o osnivanju kantonalnog odnosno gradskog/općinskog štaba civilne zaštite kao i akt o postavljenju komandanta, načelnika i članova štaba civilne zaštite kantonalnog odnosno gradskog/općinskog štaba civilne zaštite;
- c) za tačku 3) dokaz da kanton, grad/općina ima organizovane strukture civilne zaštite (odluka ili drugi akt o organizovanju jedinica, službi i drugih struktura civilne zaštite, ugovore o međusobnim pravima i obavezama zaključenim između organa i pravnog lica u kojem se formira služba zaštite i spašavanja spašavanja);
- d) za tačku 4) dokaz da je donesena procjena procjene ugroženosti kantona, grada/općine (akt o usvajanju procjene - navedeni planski dokument dostaviti na CD-u),
- e) za tačku 4) dokaz da je donesen plan zaštite i spašavanja ugroženosti kantona, grada/općine (akt o usvajanju važećeg plana - navedeni planski dokument dostaviti na CD-u),
- f) za tačku 5) dokaz da je donesen program razvoja zaštite i spašavanja kantona, grada/općine (akt o usvajanju važećeg programa - navedeni planski dokument dostaviti na CD-u),
- g) za tačku 6) adekvatno obrazložena i dokumentovana prijava;
- h) za tačku 7) zbirni izvod iz priliva sredstava posebne naknade za zaštitu i spašavanje za 2024.godinu,
- i) za tačku 9) dokaz da se sredstva posebne naknade vode na posebnom namjenskom transakcijskom računu (ugovor sa bankom, potvrda banke ili drugi relevantan dokument).

Prijava na javni poziv mora sadržavati podatke u koju svrhu i u kojem iznosu se pomoć traži (uz obaveznu naznaku na koju strukturu civilne zaštite se projekat odnosi) te detaljno obrazloženje planiranih aktivnosti, a kanton odnosno grad/općina su dužni aplicirati za projekte i aktivnosti koji su planirani, pripremljeni i objektivno izvodivi u utvrđenim rokovima.

Svi dokazi se dostavljaju kao original ili ovjerena fotokopija.

IV - Rok za podnošenje prijava

Poziv ostaje otvoren 30 dana od dana objavljivanja na službenoj stranici Federalne uprave civilne zaštite.

Nepotpune i neblagovremene prijave neće se uzeti u razmatranje.

V - Posebne napomene

1. Prijem prijava za dodjelu finansijske podrške sa dokumentacijom, pregled, analiziranje i verifikaciju ispunjenosti uslova sa prijedlogom odgovarajućih odluka vrši Komisija za analiziranje prijava i verifikaciju uslova iz prijava za dodjelu finansijske podrške kantonima, gradovima/općinama koju imenuje privremeno postavljeni direktor posebnim rješenjem. Komisija će razmotriti prijave u skladu sa odredbama ovog poziva te sačiniti prijedlog rang liste korisnika sredstava sa odobrenim projektima / aktivnostima i predloženim pojedinačnim iznosima za svaki kanton i grad/općinu. Odluku o dodjeli finansijskih sredstava kantonima i gradovima/općinama donosi Federalni štab civilne zaštite na prijedlog Federalne uprave.

2. Ako uz prijavu nisu priloženi odgovarajući dokazi iz tačke III ovog poziva, Komisija poziva podnosioca prijave da dopuni prijavu sa odgovarajućom dokumentacijom u roku od sedam (7) dana od dana prijema poziva. Ako podnositelj prijave ne otkloni nedostatke u određenom roku, Federalna uprava civilne zaštite će donijeti zaključak protiv kojeg se može izjaviti posebna žalba Federalnom štabu civilne zaštite.

3. Poziv će biti objavljen na službenoj stranici Federalne uprave civilne zaštite.

4. Dostavljanje prijave sa potrebnom dokumentacijom vrši se preporučeno poštom na adresu:

**„Federalna uprava civilne zaštite
ulica Vitomira Lukića broj 10
71 000 Sarajevo**

**Komisija za analiziranje prijava i verifikaciju uslova iz prijave za dodjelu
finansijske podrške kantonima i općinama – NE OTVARATI“.**

(Na poledini koverta obavezno navesti naziv podnosioca prijave, adresu i broj telefona).



FEDERALNA UPRAVA CIVILNE ZAŠTITE		PRIJAVA projekta na javni poziv za dodjelu finansijske podrške kantonima i gradovima/ općinama
1.	Kanton/Grad/Općina	
2.	Adresa i telefon:	
3.	Naziv projekta:	
4.	Namjena: (<i>zaokružiti slovo</i>)	a) opremanje struktura civilne zaštite b) pripremanje, obuka i vježba c) pomoć u saniranju posljedica prirodnih i drugih nesreća d) udruživanje sredstava zaštite.
5.	Cilj projekta:	
6.	Detaljni opis projekta: (<i>značaj projekta, aktivnosti koje će se realizovati projektom, struktura civilne zaštite na koju se odnosi projekat</i>)	

7.	Vrijednost projekta	
8.	- Izvori finansiranja - Dosadašnja ulaganja	
9.	Nedostajuća sredstva tj. sredstva koja se traže od FUCZ	
10.	Sufinansiranje projekta (<i>iznos kojim kanton i grad/općina sufinansira projekat</i>)	
11.	Rok realizacije projekta	
12.	Podaci o kontakt osobi vezano za realizaciju projekta: (<i>ime i prezime, kontakt adresa, telefon i e-mail</i>)	

Datum: _____

Potpis i pečat

FEDERALNA UPRAVA CIVILNE ZAŠTITE		PRIJAVA na javni poziv za dodjelu finansijske podrške kantonima i gradovima/ općinama
1.	Kanton/Grad/Općina:	
2.	Formirana služba civilne zaštite Kantona/Grada/Općine, u skladu sa članom 31. Zakona o zaštiti i spašavanju: <i>(Naziv organa koji je donio akt, broj i datum akta)</i>	
3.	Formiran Kantonalni/Gradski/Općinski štab civilne zaštite: <i>(Naziv organa koji je donio akt, broj i datum akta)</i>	
4.	Kanton/Grad/Općina ima organizovane strukture civilne zaštite: <i>(Odluka ili drugi akt o organizovanju jedinica, službi i drugih struktura civilne zaštite)</i>	
5.	Donesena procjena ugroženosti Kantona/Grada/Općine od prirodnih i drugih nesreća: <i>(Naziv organa koji je donio procjenu ugroženosti, broj i datum)</i>	
6.	Donesen plan zaštite i spašavanja od prirodnih i drugih nesreća Kantona/Grada/Općine: <i>(Naziv organa koji je donio akt, broj i datum akta)</i>	

7.	Donesen program razvoja zaštite i spašavanja Kantona/Grada/Općine: <i>(Naziv organa koji je donio program razvoja, broj i datum)</i>	
8.	Sredstva posebne naknade vode se na posebnom namjenskom transakcijskom računu: <i>(broj ugovora sa bankom, potvrde ili drugog relevantnog dokumenta)</i>	
9.	Visina prikupljenih sredstava posebne naknade u 2024.godini	

Datum: _____

Potpis i pečat
